

جریدہ علمیہ

مشیت جلیلہ اسلامیہ مکہ جریدہ رسیہ سید
اوائل ربیع الاول ۱۳۳۳

عدد: ۹

آیدہ بر نشر النور

برنجی سنہ

اولدیغنه دائر هیچ بر سبب کوسترلماش و ضررک ازاله سی نه صورتله اوله جنی ذکر ایدلماشدر .

ثامناً ، تعلیمات سینه نک دردنجی ماده سنده مصرح اولدینی اوزره محکمه یه ابراز اولتان سنداتک اعلامه درجی لابد ایکن بوکا رعایت ایدلماشدر .

تاسعاً ، شهادتک دعوی صحیحه اوزرینه اقامه واستماع ایدلسی لازم اولدینی حالده بالاده بیان اولدینی اوزره فاسد اولان دعوی اوزرینه شهود استماع اولنمشدر .

تعلیمات عمومی

« مشاوری بولتان محاکم شرعیده مشاردن ماعداسنک استخلاف واستنباهسندن توقی اولنمی حقنده »

محاکم الشرع قانوننک اوچنجی ماده سنده « مشاور اولان محکمه لرده مشاورلر جانب قاضیدن کندولرینه حواله اولنه جق خصوصاتی حکمه مأذون اولدقلری کبی مشاوری اولیان محکمه لرده لدی الحاجه قاضیلر استنباهیه ده مأذون اولدقلری » محرر و عباراتک مفاهیمی حجت و واجب العمل ایدوکی مسائل اصولیه دن بولنسنه نظراً مشاوری بولتان محاکمه کی حکامک آخرین استخلافدن بامرعالی ممنوع بولندقلری و مشاوردن ماعداسنک توقیع ایده جکی حکملر بالاخره قاضی طرفندن تنفیذ ایدلسه بیله صحته منقلب اوله میه جنی درکار ایکن مشاوری بولتان محاکم حکامی طرفندن بعضاً قلم مدیر ویا میز و کتبه سنک استنباه ایدلدیکی تدقیق ایدیلان و نائق شرعیده تصادف ایدلمکده و بوقیل اعلامات بالطبع تصدیق اولنه میه رق اصحاب مصالحک اضرار و محاکمک اشغالنه سبیت ویرمکده اولدیغندن مشاوری بولتان محاکمه مشاردن ماعداسنک استخلاف واستنباهسندن توقی ایدلسی خصوصنک تعمیماً قضاته اشعاری فتواخانه دن افاده اولنه رق ایجابی اجرا ایدلش اولمغه طرف فاضلانه لرندن دخی اکاکوره اقتضاسنک ایفا ونسج ملفوفه نک ملحققات قضاته اسراسنه همت اولنمی سیاقنده شقه محی ترقیم قلندی

۲۶ محرم ۱۳۳۳ ۲ کانون اول ۱۳۳۰

« تشکيلات وقفه سی موجود اولیان قضالده کی نقود موقوفه نك شمديك معاملات وقفه اعتباريله اشبو قضالرك تابع اولدقلری الكيقين اوقاف اداره لرینه دوريله تبليغات سابقه دائره سنده تخیه لری اسبابنك استكمالی - حقنده »

تشکيلات وقفه سی اولیان قضالده قبل التنسيق عائداته مستخدم اولان اوقاف وکیللرينك اوچ یوز یکر می بش سنه سی بودجه سیله عائداتك لغو ایدلمش اولسی اوزرینه بو بابده کی وکالتلری رسیده ختام اولمش وبعض قضالده بو نام ایله واتخاب صورتيله الیوم استخدام ایدلمکده اولان کسه لرك صورت استخدامی قطعياً یولسز اولدینی کی بطبع خزینه یه قارشى بر صفتلری اولدینی جهتله او کیلره نقود موقوفه وعوارض اچهلرینك دورى بالطبع قابل اوله میوب انحق نقود مذکورہ نك تلف وسرفدن وقایه سی ده لازمہ دن بولنش اولسنه نظراً تشکيلات وقفه سی موجود اولیان او قیل قضالده کی نقودك شمديك قضانك معاملات وقفه اعتباريله تابع اولدینی الكيقين اوقاف اداره لرینه دور ایتدیریلرک اخیراً مقام محیدن اجرا اولنان تبليغات دائره سنده تخیه لری اسبابنك استكمالی ضروری کوریلرک مأمورین وقفه یه تبليغات ایفاسی دردست بولندینی بیانیله کیفیتك قضاة کرامه ده اشعارینه دائر اوقاف هایون نظارت جلیله سندن وارد اولان تذکره اوزرینه تعمیماً قضانه تبليغ کیفیت ایدلمش اولغله طرف فاضلانہ لرندن دخی اکا کوره اقتضاسنك ایفا ونسخ ملفوفه نك ملحقات قضانه اسراسنه همت اولنسی سیاقنده شقه محبی ترقیم قلندی

۵ صفر ۱۳۳۳ ۱۰ کانون اول ۱۳۳۰

* *

« تزکیه ده مجله نك ۱۷۱۷ نجی ماده سی، تعریفانه، تعریفده تعلیات سنیه ده کی ایضاحاته تماميله توفیق معامله اولنسی حقنده »

بعض محاکم شرعیه جه مجله نك بیک یدی یوز اون یدنجی ماده سی حکمنه تماميله توفیق حرکت ایدلماکده اولدینی فتواخانه دن « تزکیه علنیه نك شاهدلرك منسوب اولدقلری محاکم غیریدن اجراسی سبب شرعی یه مستندایسه » قیدیله مجلسه تودیع اولنه کلان وثائقك تدقیقاتی نتیجه سنده اکلاشلمقده وکیفیت اکثریا ضبطلردن حل اولنه میهرق محللرندن استعلام اولنقده وبعضاً تبدل قاضی ملابسہ سیله بوقدر جرق بر نقصان یکیدن اجراء محاکمہ کی انتاج ایتکده اولوب هر ایکی صورتده شوعدم دقت مصالح عبادی مشکلاته دوچار ایلکده اولسنه وحالبوکه سالف الذکر ماده ده « شاهدلرك سرأ وکړک علناً منسوب اولدقلری جانبندن یعنی ... الخ تزکیه اولنور، دیو مصرح بولنسنه بناءً بو بابده ماده مبحوث عنها

صراحتاً و تعریفده معرفلرك اسم و شهرتارينك ضبط دعوى جريده سيله اعلامده تعليمات سنیهده کی ایضا حاته توفیق حرکت و معامله یه ولدی الحاجه شاهدلرك منسوب اولمادقلری جانبدن تزکیه لرنده ضرورت حاصل اولدینی تقدیرده و ثائقده سینک درج و تصریحنه اعتنا ایتلرینک قضاته تعمیماً اشعاری مجلس تدقیقات شرعیه دن افاده اولنه رق ایجابی اجرا ایدلش اولغله طرف فاضلانهلرندن دخی اکا کوره اقتضاسنک ایفا و نسخ ملفوفه نك ملحقات قضاتنه اسرا اولنسی سیاقنده شقه محبی ترقیم قلندی

۱۹ صفر ۱۳۳۳ ۲۴ کانون اول ۱۳۳۰

*
**

« مکّه مکرمه و مدینه منوره قاضیلکلرندن ماعدا بالعموم مراکز ولایات والویه غیرملحقه قاضیلکارنه و این تدقیق و ثائق شرعیه مأمورلغته یازیلان ۴ کانون اول سنه ۱۳۳۰ تاریخی تلغرافنامه عالی »

دول مخاصمه و متفقلری تبعه سنک ایتم صندوقلرنده کی آله جقلرینک تسویه ایدلمه مسی و کیفیتک ملحقات قضاتنه ده تبلیغی.

*
**

« صو شهرى قضاسى قاضیلکنه تسلیم ییوریلان تحریرات علیه صورتیدر »

۱۱ ذی القعدة سنه ۱۳۳۳ تاریخی تحریرات جوابیدر. تحریر ایدیلن ترکاتدن منقول قسمنک علی الاکثر تلف و ضیاعه معروض بولنسی حسیله فروختیه امان حاصله سندن صغار حصه لرینک ایتم صندوقلرنده حفظ و تمیه سی اصول و نظامی اقتضاسندن اولوب منقولانک دینه کافی اولماسی و یا صغار عهده سنده قالان غیر منقولک عیناً ابقاسنده بر منفعت تأمین ایدلمه مه مسی کی موجبات و مسوغات شرعیه دن بری بولندقجه بومثللو غیر منقول ترکله فروخت اولنمایوب عیناً و علی الاکثر ورثه بیننده شایعاً ابقا ایدلمکده ایسه ده طلب وقوعنده اموال منقوله مثللو بونلرده دخی اصول مشروعه و قوانین موضوعه دائره سنده تقسیمدن و بونلره متعلق دعاوی یی رؤیتدن من القدییم محاکم شرعیه ممنوع اولمادینی کی اخیراً موقع اجرایه وضع اولنان تفریق و ظائف نظامنامه سنده بووظیفه منحصرأ محاکم مذکوریه تودیع ایدلش اولوب صغارک امور و خصوصاتی تسویه یه مأمور و حقوقی محافظه ایله مکلف اولان اولیا و اوصیانک و بونلر بولنه مدینی و یا خود بووظائفی ایفا ایتدکلری و ایدمه مدکلری صورنده ایتمک محافظه حقوقی ایچون طرف حاکمدن تعیین اولنه حق دیگر بروصینک اصول و نظامی دائره سنده مراجعتله بوقیل اموال غیر منقوله نك تقسیم و یا صور سائر ایله انتفاعی تأمین طلبنده بولندقلری و صرفی ایجاب ایدن رسوم و سائر یی

تسویه ایلدکری حالدہ حکام الشرع اراضی امیریہ ایلہ بالعموم غیر منقولاتی تقسیم و سائر صورتلہ ورثہ و حصہ دارانک حق تصرف و انتفاعلرینی قضاء تأمین ایدہ بیلہ جککری و بوبادہ هیچ بر مانع متصور اولمادینی مخلفات عمومیہ قساملغندن افادہ و تفصیلات مبسوطہ مجلس تدقیقات شرعیہ جہدہ تصویب قلندی بیانیلہ شقہ ترقیم اولندی .

*
**

« دوزجہ قضای قاضیلکنہ تسطیر بیوریلان تعریرات علیہ مشیختنهای صورتیدر »

تحریر ایدیلان ترکاتہ متعلق دعاوینک ورثہ دن بری مواجهہ سندہ رؤیتی کافی ایسده .
صادر اوله جق اعلاماتک عموم ورثہ یه تبلیغی ایلہ اکتساب قطعیت ایتدکن صکره اجرا و تنفیذی اصول و قواعد مرعیہ ایجاباتندن اولدیفنک و مدعینک دعواسنی تصدیق و مدعا بهدن حصہ سنی ادائی تعهد ایدن وارث علیهنہ دعوی اقامہ ایدیلہ میه جکی طبعی اولوب یالکز ماطله ایدن علیهنہ حصہ سی مقدارنجہ اقامہ اولنان دعوانک دیکر لرینه شمولی اوله میه جفنه بناءً اعلام صورتنک تبلیغی ایلہ مصارف محاکمیه تشریک ایجاب ایتیه جکنک و عموم ورثہ یه تشمیل ایلہ ترکدن علی الاطلاق بر دعوی اقامہ اولندی تقدیرده مصارف محاکمیه دخی عموم ورثہ یه تشمیل ایلہ محکوم به ضماً ترکدن تحصیلی ضروری اولوب بووجهله معاملہ ختام بولمق سزین تقسیمات اجرا و اعلامات احکامی انفاذ اولنه میه جفنه مخلفات عمومیہ قساملغنی افادہ سیلہ اشعارینه مبادرت قلندی .

*
**

« نقود موقوفه و عوارض اچیهی تحصیلاتنه اعتنا اولمسنه و منتظم صورتده حساب طوتیلہ رق حسابات و اقراضاتندن معلومات ویرلسنه دائرولایات باوقاف مدیریتلریله طوغریده اداره اولنان الویه اوقاف مأمورقلرینه اوقاف نظارت جلیله سندن یازیلان تعریرات عمومیہ در »

ارباب خیرات طرفلرندن بعض خصوصات خیریه نك ایفاسی مقصد خیرپرورانه سیلہ وقف و تبرع ایدلمش اولان نقود موقوفه و عوارض اچیه لرینک شمده یه قدر بر حقوق سوءاستعمالاته معروض قاله رق محو و هدر اولمقده بولندیجهتله بوکي احوال مؤسفیه محل قالماق و بعدازین حسن صورتلہ ارباح و تنمیہ و مشروط لهلری اولان خصوصات خیریه نك ایفاسی امکانی تأمین اولنقی اوزره نقود موقوفه و عوارض اچیه سی مقادیر وکیاتی حقنده اولجه اجرا قلنان تبلیغات عمومیہ یه توفیقاً شمده یه قدر محرر الاسامی ولایات والویه دن کلن دفاتر و جداول مندرجاتنه نظراً نقود موقوفه دن تقریباً یوز بیک لیرانک قابل تحصیل و اون بش بیک لیرانک متعسرالتحصیل و عوارض اچیه سندن کذلک

بش بیک لیرابه قریب بر مبلغ قابل تحصیل و اوچ بیک کسور لیرانک متعسرالتحصیل بولندی و الیوم بولردن یالکز ایکی بیک کسور لیرا موجود اولوب شمدی یه قدر اون بش بیک لیرا مقدارنده بر مبلغ مشروط لهرینه صرف ایدلدیکی تدقیقات حسابیه دن اکلالمشدر. شمدیکی مقدار مجموعی یوز قرق بیک لیرابه بالغ اولوب آلنه حق حسابات ایله مقدار قطعینک تعیین امکاننده بومقداری دهها زیاده تجاوز ایده جکی درکار بولنان نقود موقوفه و عوارض اچہ سندن بر قسم مهمنک متعسرالتحصیل برحاله قالمسی منتظم حساب طوتلیه رق و اصول ادانه تنظیم و توثیق ایدلیه رک سوءاستعمالاته میدان و امکان بر اقلسمندن انبعاث ایلشدرکه وجوهله شایان اسف و مسیبری حقلرنده موجب مسؤلیتدر. بناء علیه بر طرفدن تحقیقات و تدقیقات اجرا سیله مسیبری حقلنده اصولاً تعقیباته بولنیه رق حقوق وقفک تأمینی چارملری تأمل اولنقله برابر دیگر طرفدن قابل تحصیل بولنان مبالغک بر آن اول تحصیلی اسبابنه صورت منظمده تثبیت ایدیلرک هر ای واقع اوله حق تحصیلانک و موجودک نظارته بیلدیرلمسی و بوقدر مهم بریکونه رسیده اولان مبالغک بویله متعسرالتحصیل برحاله کلمسی اصول ادانه نک یولمزلفندن و منتظم حساب طوتلیه رق حساب و مراقبه دن عاری بر صورتده علاقه دارانک کیف مایشاء سوءاستعمالاته مسامحه ایدلسندن نشأت ایلسنه بناءً بعدازین بوکجی احواله قطعاً امکان بر اقیه جق بر صورتده حسابات و ادانانک تأسیس و توثیق خصوصنه فوق العاده اعتنا و دقت اولنمی و کرک نقود موقوفه و عوارض اچہ سی موجودینک کرک تحصیلات واقعه نک ۲۱ حزران ۱۳۳۰ تاریخی تحریرات حکمنه توفیقاً حفظ و تمیمه سی و معاملات جاریه دن هر اوچ آیده نظارته معلومات و ایضاحات اعطاسی و کفالت معتبره ایله ارباح اولنه جق مبالغک کفلانک صاغلام اولسنه اعتنا ایدیلرک نهایت درت بیک غروشه قدر اقراض ایدلمسی و تأمینات مقابلی اوله جق اقراضانک ده اموال غیر منقوله نک قانون مخصوصی موجبجه برنجی درجه ده تأمینات اراٹہ سی و یاترهینی و وفاء فراغی صورتلرله آلنه جق تأمینات و موجودک مساعدنه کوره اجرایی لزومی تعصیماً بیان و اداره وقفیه کز داخلنده کی مأورین وقفیه ده کیفیتک تبلیغی اخطار اولنور .

۱۳ محرم ۱۳۳۳ و ۱۹ تشرین ثانی ۱۳۳۰

*
* *

» یوسنه هرک رئیس العلماءنک ۲۴ محرم ۱۳۳۳ تاریخی و جمش سکز عدلی تحریراتی صورتیدر »

خلافت معظمه اسلامی و سلطنت ابد مدت عثمانیه جه حسب الضروره اعلان بیوریلن

جهاد حقنده اولوب خارجه نظارت جليله سی وبوسنه سراي باش شهبندرلکي واسطه سيله تسيار بيوريلان ۸ محرم ۱۳۳۳ و ۱۳ تشرين ثاني ۱۳۳۰ تاريخلي و ۳۳۳ عددلی امرنامه مشيختنپناهيلريله فتاواي شريفه نك مصدق صورتلری شهر محرمك اون دردنجهي چهارشنبه كوني دست تحيل داغيانه لرينه توديع بيورلمسي اوزرينه حكومت محليه مزه بيان حال ايله برابر بهكه، بالالوقه، تراوينك موستار، طوزلا و سراي سنجاقلری مفتي افنديلرينه دخي ماه محرمك يكرمي اوچنجهي جمعه كوني سرايده غازي خسرو بك جامع شريفنده جمعه نمازنده سنجاقلری وجوه و اشراقندن براقچ ذات ايله برلكده حاضر بولملى لوزومى بيلديردم. نفس سرايده كي اهالي اسلاميه دن لازمكلنرمده يوم مزبورده و جامع مذكوره ترتيب مخصوص اوزره مواجهه ناسده اوامرك و فتاوانك قرائت ايديله چكي بيلديرلمش اولمغله دونكي جمعه كوني غازي خسرو بك جامع شريف و حريمنده شمدي يه قدر مثلي كورلمه مش درجده برجامت كبراي اسلاميه بولتيوردی.

نمازلر قلندقدن صكره خطيب جامع طرفندن تبركا سورهُ جليله فتح اوقونمغه باشلانقدده فقير داعيلری حرمين محترمين پايه سنه مخصوص جبه و سائر هني لابس و دست احترامده امرنامه مشيختنپناهي ايله فتاواي شريفه ني حامل بولنديغم حالده منبره چيقه رق ايكي عدد يشيل بايراقله تعين اولنان محله طوردم. بواننده سورهُ جليله فتح قرائتي آتام ايدلمش اولمغله اولاً مقامه مناسب مختصر بردعا اوقودم بعده لسان محلي ايله سبب اجتماعي و جمله اهل اسلامك قبله كاهنه قارشى دول معلومه نك قوردقلری حيل و و دسائسي ايضاح و حارس يكانه دين اسلام خليفه معظمزك اعلان جهاد بيورملى ني مؤدى اولان الجا آتى تنوير ايلدم. جامع شريفك قبولری پنجره لری آچلمش هر طرف اهالي اسلاميه ايله لبالب طولش ایدی. جمله سي كمال احترامله قائماً ديكله يورلرايدی. بوصره ده امرنامه مشيختنپناهي ني كوستره رك « شمديلك بونی عیناً اوقويه جفم بعده ترجمه ایده جكم بونی شيخ الاسلام افندی حضرتلری بنم واسطه مله عموم بوسنه و هر سك مسلمانلرينه كوندردی ديه رك عیناً اوقودم بعده ملفوف ترجمه سنی اوقور ايكن جماعت تأثري ضبط ایده ميوز منديلرله كوز ياشلريني سيلوردی. وقتا كه فتاواي شريفه نك قرائت و ترجمه و تفصيلنه صره كلدی هر كس قولاق كسيليدي فقير داعيلری ايسه امر بيورلديني و جمله اقتضاي حاله كوره تفصيلات و يريور ايدم. بوجهاد علويده بوسنه هر سك مسلمانلرينك هم بدنأ و همده مالا اشتراك ایده بيله جكلريني اكلا تدم و متبوع سياسيمز اولان مع مجارستان و آوستريا

دولت فخمیه سی حال حربده بولنیور . دشمنلری ایسه خلافت معظمه اسلامیه مزك دشمنلریدر مقصد مشترکری ده مشترک دشمنلرینی قهر وتدمیر ایله مکدر . بناءً علیه اهالی اسلامیه دن مع مجارستان آوستریا اردوسیه برابر محاربه ایدنلر بدناً وظیفه جهادی ایفا ایده بیلورلر . چونکه « انما الاعمال بالنیات » در مالا ایفای وظیفه جهاده کنتجه بونیده تقدراً خلافت معظمه اسلامیه به معاونت ایدرایسه که هلال احمر اعانه سنه اشتراک ایدرایسه که یایمیش اولورزه طرزنده ایضاحات لازمه سیله تفهیم ایلدم . علاوهً عموم بوسنه وهرسکده الی آی مدته هلال احمر اعانه سنک جمع ایدیه بیلرسی ایچون لازم کنن مساعده رسمیه نک استحصال ایدلرکی وعموماً اوقاف ومعارف هیئت اداره لر یله حکام شرعشریفه بوبابده معلومات لازمه ویرلدیکی ومفتی اقدیلره دخی شفاهی وتحریری تعلیمات اعطا ایدلرکی در میان ایدلدی . ایکی ساعته قریب امتداد ایدن بوتفصیلات ختامنده خلافت معظمه اسلامیه مزك نصرت الهیه ایله تأیید وفتح قریب ایله تبشیر بیورلسی ایچون بازگاه قاضی الحاجاته رفع ایادی تضرع ایدیلرک دعالر اوقوندی . جامعشریفدن چیقلدقه مجلس علماء ولایت دائره سنه کئنه رک شهر سرای اهالی اسلامیه سندن هلال احمر ایچون اعانه درجنه باشلاندى . الی یوز بیک اهالی اسلامیه مزك نفوسندن همان خمسی خطوط حربیه ده بولنمقده ونتایج حربیه طولانیسیله مختلف نام وعنوانلر ایله اعانه لر طولانیلنمقده وعلی الخصوص استیلایه معروض قالمش بعض قضالرمزدن فرار ایتکه مجبور اولان مهاجرین اسلامیه اعاشه واسکاسی غانه سیله اوغراشلنمقده وعموماً اهالی اسلامیه مزك هر طرفه ابراز فداکاری ایتمش وایتمکده بولنش ایسه ده وطنمزك هر قضاسنده وحتی هر قریه سنده وسع وطاقت مقدارنده هلال احمر اعانه سی اعطاسنه غیرت ایدیه جکی قویاً مأمول بولندینی ومفتی اقدیلر دخی کندولرینه ویریلن امرنامه مشیختپناهی وفتاوی شریفه صورتلرینی کندی سنجاقلرنده کی اهالی اسلامیه به اوقویوب ایضاح ایده جکلری وبالاده کی امرنامه به ذیل اولمق اوزره تسیار بیوریلن ۱۰ محرم ۱۳۳۳ تاریخی و ۱۹۴۰ عددلی امرنامه مشیختپناهی لری ایله ملفوف بیاننامه دخی لسان محلی به بالترجه ایجاب ایدنلره نشر وتوزیع ایدیه جکی وانشاء الله تعالی نتایج حسنه سی کوریه جکی معرضنده اشبو عریضه جوابیه خاکپای دولترینه تقدیم قلندی اقدم حضرتلری

حرمین محترمین پایه لورلندن
بوسنه هر سکر رئیس العلماسی

محمد جمال الدین

ملفوفی:

سویم موفتی نه‌فندیاما، شهریماتسقیم سودیاما ای قوتارسقیم
واقوفسکو — مه‌عاریفسقیم پوویه‌ره‌نستویما

و بوسنی ای هرچه‌غووینی .

پره‌ما غورنیم اوزویشه‌نیم فه‌تواما ویسوقوغ مه‌شیخاتا ای ویسوقوچییه‌نیه‌نوی
پوسلانیچی شیخ‌الاسلاما ای می بوسانسکو — هرچه‌غوواجتی موسلیانی دوزنی سمو
اودازواتی سه‌جهداو ای تییه‌لوم ای ایمه‌تقوم . سره‌تی سمو شتویه‌ ناما پروژنه‌نا وواقا
زغودنا پرلیقا، داسه‌سلوژه‌چی و حرابروی ای یوناچقوی ویسقی ناشه‌مونارچییه‌،
موژهمو تییه‌لوم و دوزنی جهداو . شتو سه‌تیجه‌جهدا سا ایمه‌تقوم، تو موژهمو
ایزورشتی، آقو پروژیمو نووچانو پوموچ ناشه‌م وزویشه‌نوم خیلافه‌تو، آقو دارویه‌مو
زا هلال احمر .

دوزوولا زا ساقوبلانه‌پرینوسا زا هلال احمر وچه‌یه‌وسلییه‌دیلا ود ویسوقه
زمالسقه‌ولاده (بود برویه‌م ۱۶۰۱۷ پره‌س اود ۳ ده‌چه‌مبرا ۱۹۱۴) قویا غلاسی :
« چاست‌یه‌زمالسقوی ولادی سا وپجیتی توم و له‌سلاونوم پره‌دسیه‌دنیشتوو، داسه
ساقوبلانه‌میلودارا زا هلال احمر پو بوسنی ای هرچه‌غووینی دو ۱ یولا ۱۹۱۵
دوزوولویه، ته‌سه‌پولیتیچقه‌ولاستی اویده‌نو او توم اوپاویه‌شچویو » .

ستوغا مولیم سوو موفتی نه‌فندییه، قوتارسکو واقوفسقا مه‌عاریفسقا پوویه‌ره‌نستوا،
دا اودماچ پوچنو سا ساقوبلانه‌م پرینوسا زا هلال احمر ای تو : موفتی نه‌فندییه،
و وقرورنیم، آپوویه‌وه‌نستوا و قوتارسقیم میه‌ستیا . و یه‌دنو مولیم سوو موسلیانه
شیروم ناشه‌دومووینه، داستو ویلنیه‌ایسقاژو پوژرتووونوست، یه‌سه‌رادی و
اسلامسقوی زایه‌دنچقوی قییلی . نادام سه، دا چه‌ناشه‌پله‌مه‌نیه‌شهریماتسقه‌سودییه
مورالتو ای ماته‌ریالتو پودوپریه‌تی اووای واژنی پوتخوات .

غدییه‌بوده‌نوژنو ایزاسلاتی و سه‌لا ناروچیتوغ ساقوبلاچا، نه‌قاسه‌ووامو یای
ایمه‌ای پره‌زیمه‌نه‌غوو، دامو سه‌ایزدا له‌غیتیاچیا، قویا چه‌سه‌ای پو قوتارسقیم
ورده‌و ویدیراتی . ساقوبله‌نی نوواج نه‌قاسه‌شاله‌نا پوتیپسانوغ . ایسقاژو ساقوبله‌نوم
نووچو ای داروواته‌لیا نه‌ق وستانه‌قود موفتینسقیح ورده‌دا، و دنوسنو قود قوتارسقیح
پوویه‌ره‌نستوا آووامو سامو نه‌قاسه‌یایو تاجان بروی داروواته‌لا، قاقو بی سه‌

پرباویلو تولیقو هلال احمر سقیح پوتوردا قویه چه دوتیجی وره دی ناقون پوپوته نا
- قاو پوتورده - داروواته لیا وروجیتی . و توایمه مخصوص سلام .

سارایه وو فی ۲۲ محرم سنه ۱۳۳۳

رئیس العلما
محمد جمال الدین

*
* *

« آله قلعه قاضیلکندن حضور عالی حضرت مشیختنهایی به تقدیم اولنان
۱۰ محرم سنه ۱۳۳۳ تاریخی تحریرات صورتیدر »

۷ محرم سنه ۱۳۳۳ تاریخ ۱۹۳۰ نومرولی امرنامه حضرت فتواینهایلرینک ملفوفی
جهاد اکبر حقنده کی فتاوی شریفه جزیره جامع کیری دشمن بی امانز اولان جانیلرک
ظهیری صریه بطاریه لریله تخریب ایدلسندن دشمن دینک علی قدرالامکان تعرضندن
مصون برکرده کیجه لین اجتماع ایتدیریلن اهالی به تبلیغ ایلدم . مندرجات فتاوی
شریفه کراراً ایضاح ایدلدکن صکره اولاً ملاً فرضی ایفا ایتک اوزره کمال
مسرتله نظارت داعیانه مده اولان قومیسونه تبرع ایدیلن ذیقمت اشیدان ماعدا
بشیک قورون قدر بر مبلغ تجمع ایدوب نقدی اولیان پرمغنده کی آلتون یوزوکی
ایله خانه سنده کی آینه سنه قدر قومیسونه تبرع ایدلیکی و برنجی قافله اولمق اوزره التی نفر
کوکللی عسکر قید اولتوب درسعاده قدر مصارف راهیه لری قومیسونجه تسویه ایدلدیکی
ومبالغ متباقیه نک درسعاده کوندرلمسنه واسطه بولندیفندن حریه نظارت جلیله سنه کوندرلمک
اوزره ویانه سفارت سنیه سنه ارسال قلندیفی معروضدر .

اطه قلعه قاضیسی
عثمان نیازی



توجیهات علمی

بیان قاضیسی عبدالوهاب افندی عزل ویرینه اصلاحیه قاضیسی علی رضا وانک
یرینه تنوس قاضیسی محمد صلاح الدین افندیلر تعیین اولتمشدر .
بواراده سنیه نک اجراسنه مقام مشیخت مأموردر .

۸ صفر ۱۳۳۳ ۱۳ کانون اول ۱۳۳۰

شیخ الاسلام
محمد رشیدی

*
* *

فائسه قضا سی قاضیسی اسماعیل حق افندی عزل ویرینه مدرسه القضا تندن قریب اعلی